

LA' 'N MES AL MAR

*Re Calamaro e Regina Seppia
Maschere di San Defendente Busca-Tarantasca*

*L'am dime tùti ch'a al mèis ed fervé
A San Defendent as peul sogné,
a se peulo scoté le onde del mar,
as peulo bati le man al Re Calamar.
Seurto da l'èva bonimor e alegria,
seurt fòra na festa da bon pì riùssia.
son l'elegansa del nòst Carlevé,
fina la fin a resto a canté.
Regina Seppia a ten ben el so pòst,
tira coriandoli al pòst ed l'inciòst,
paggio e sirene son tuti bej pèss
brùt o bèl temp a fan festa l'istess.
La vita a l'è 'n mar ch'as baoti-a 'n po lontan,
ch'a soma pà 'nco bin 'ncheuj cò faroma peuj doman,
ma sa 'n tèl mar j son costi amìs,
faroma na festa senza nemis.
Oh Re Calamaro, maestà del nòst Carlevé!
tùta la marina at vùrija 'ncontré
aleghèr!ch'a per piasse, spiagge e tùte contrà
la Toa Regina Seppia a l'an pà pescà.
Na storia 'npo drola ch'as fa tùti content,
pensé ch'a j'è el mar a San Defendent
fé baldoria per voijeiti a l'è 'l pì bèl vissi,
doa a noa bin la tradission sota j'abissi.*

CARLEVE' ED SANTAL

(Carnevale di Centallo)

*A Santal 'n mès aj camp a nass carlevé,
quanda faseuj e povrom as bùto a canté,
bèle verdure dla vèrda salada , amìse dla cotletta
doa son ora el bèl Faseul ross e la Bèla Povronetta?
Bondì maschere, smens alegher dla vòsta Santal,
la gent ve semena, mentre prèst a canta el gall,
da la tèra bona sevì ij sò pì bej fiuej,
a Santal le fomne provonette e j'omi fasej.
Sota el ciochè ponciù, crèss l'alegria,
'sta ribòtta ed fervé peul pà andé via,
pudej godì còst moment, còst meis forse pì bèl,
doa nla Granda el bel faseul ross a l'é propi chiel,
e nla bagna caoda bagneie la sausetta
per pudej 'nbrassé la bèla povronetta.
Alé, verdure bone del nòst carlevé,
magon e tempeste son da desmentìè,
taca ora la baldoria pì onesta
doa Santal per calè giù a l'é lesta,
e da piasse, pajasse, crote e solé,
doa sia ch'a sia, veni sì a fé carlevé.*

CON GIN E GINA AL CARLEVE'

(Carnevale di Barge)

*Seurt na festa sota pare Viso,
"tùta baldoria bargeisa mi av diso!",
quanda da Mombracc j cala Gian,
e ten a brasetta la soa bèla Madamin,
l'è la Gina dla Crosera,
"ed fè carlevè costa l'è la manera".
Cor per Barge el vej birocìn
doa a cor col bèl fijolin?
l'è 'l Celo sernù per menè l'alegria
propì encheuj el bonimour a va pì via
n' mercà l'ha faje 'ncontrè,
n' mercà l'ha fait carlevè,
padron dla sità per tutè le contrà,
magon e sagrin son desmentia
e sa a Barge veuli ste bin per tüt l'agn?
devi fè festa con Celo, Gina e Gian!*

BONDI' VITIN E VITINA

(Carnevale di vottignasco)

*Bondì Vitin e Vitina
là giù 'ntla bassa piemonteisa,
j'è carlevè , "ma che sorpreisa!"
Andè a spass per el pais,
a Votignasch "son tùti amès!",
senza fastidi senza sagrin ,
tùti in faoda a Vitina e Vitin.
E alora stopj le bote, stopj ij pinton,
cantona ensema le canson,
l'è la tradission del Piemont 'n la soa vigna,
encheuj la Granda bala sona e grigna.
A Votigasch la vès a l'è fait Carlevè,
dabon! Vitin e Vitina mi veuj encontrè,
per dije desgenà, ch'a la baldoria mai finirà,
"perchè el carlevè a l'è giùsta tacà".
Seurt la Luna sla campagna
veul tastè costa cuccagna,
peuj el sol dla matin smìa ch'a disa
"bondì' Vitina, bondì Vitin".*



Micun e Micunetta in trasferta su treno locale.



Marzo 2011 Micun e Micunetta in sfilata a Vernone (To)

